



San Luis Potosí

GOBIERNO DE LA CAPITAL

GACETA MUNICIPAL

ÓRGANO OFICIAL DE PUBLICACIÓN DEL
AYUNTAMIENTO DEL MUNICIPIO DE SAN LUIS POTOSÍ

AN K'AKNADH EYALTALAB TI TAMPOTS'OTS', IN AJUMTAL 2021-2024, K'AL IN TSÁP AN KA'ÁL ANI TSÁBCHIL UCHBILAB, PUNUDH AN PULIK DUCHÉ' ABATHNAXTALAB TI LAB TOM, BELEW PEJACHIL AN BELEW UCHBILAB PUNUDH AN PULIK DHUCHÉ' ABATHNAXTALAB TI TAMPOTS'OTS, TSÉ'CHIL T'IJAX UCHBILAB AJIDH AL AN BELEW PULIK ABATHNAXTALAB BÁ'AN PULIK DHUCHÉ' TI TAMPOTS'OTS', IN AJIDHTAL AN UCHBILAB AN TÉNEK BICHOWLOM, ANI AN TSÉ'INIK BUK, ANI TSÉ'INICK WÁXIK UCHBILAB, AN DUCHÉ' ABATNAXTALAB TI BICHOW TAMPOTS'OTS' ABAL KI PUTUJ AN ABATNAXTALAB SENTENCIA TESLP/JDC/67/2019, IN T'AJAL AXÉ' XI:



H. AYUNTAMIENTO DE
SAN LUIS POTOSÍ
2021-2024

**SECRETARÍA
GENERAL**
GOBIERNO DE LA CAPITAL

Edición Ordinaria

AÑO 2024

No 63.

San Luis Potosí, S.L.P.

14 de agosto de 2024

UNIDAD ADMINISTRATIVA MUNICIPAL

Bld. Salvador Nava Mtz. 1580, Col. Santuario, San Luis Potosí, S.L.P.



AN K'AKNADH EYALTALAB TI TAMPOTS'OTS', IN AJUMTAL 2021-2024, K'AL IN TSÁP AN KA'ÁL ANI TSÁBCHIL UCHBILAB, PUNUDH AN PULIK DUCHÉ' ABATHNAXTALAB TI LAB TOM, BELEW PEJACHIL AN BELEW UCHBILAB PUNUDH AN PULIK DHUCHÉ' ABATHNAXTALAB TI TAMPOTS'OTS, TSÉ'CHIL T'IJAX UCHBILAB AJIDH AL AN BELEW PULIK ABATHNAXTALAB BÁ'AN PULIK DHUCHÉ' TI TAMPOTSO'TS', IN AJIDHTAL AN UCHBILAB AN TÉNEK BICHOWLOM, ANI AN TSÉ'INIK BUK, ANI TSÉ'INICK WÁXIK UCHBILAB, AN DUCHÉ'ABATNAXTALAB TI BICHOW TAMPOTS'OTS' ABAL KI PUTUJ AN ABATNAXTALAB SENTENCIA TESLP/JDC/67/2019, IN T'AJAL AXÉ' XI:

KANIXTALÁB

Abal patal an atiklabchik tének bichowlom, xí xowé' tejé' kw'ajil ti Bichow Tampots'ots', ajid ti Pulik Bichow Tampots'ots'.

Abal ki jumbiy an konowixtalab, abal ki ona' ani ki ulúj, jant'odha' in tomnal ki takuy, an ok'ox eyal, abal ka t'ojon k'al an kwenchal ténekchik, ti Bichow Tampots'ots'.

JALÉ' AN YEJENCHIXTALAB

An púlik dhuché', Constitución Política de los Estados Unidos Mexicanos, al in tsabchíl uchbiláb, in ulal, abal axé xí Púlik Bichow, inkidh k'al yan i tének bichowlomchik, in kwa'al in ibíl ani in k'anial an biyal t'ajnelílchik.

An púlik duché' Constitución Política del Estado Libre y Soberano de San Luis Potosí, al in belewchíl uchbiláb, in ulál jayej, abal axé xí Púlik Bichow Tampots'ots', inkidh k'al yan i tének kwenchalchik, ja'its an Dhak'cham, an Tének, an xí'oi, ani tam junil jayej an Bichow Wixarika o Huicholes.

An belewchíl uchbiláb, al in pejachil laju jun, in ulál, abal pel in uchbíl an tének kwenchal, jutamits ti kwajilchik, abal ki takuy ani ki bijiy an eyalchik, abal ki putu in uchbil ti tamet an pulik atáj eyaltaláb, jant'odhá ti u'jnamchik k'al an biyal t'ajnel, ani in tomnal jayej ka tejumedháj ani ka k'aknáj in uchbil an mimlabchik.

An tse'chil uchbilab, ajidh al an belewchil pulik uchbilab, ti Bichow Tampots'ots' in ulal, abal an t'ijax bichow xí in kwa'al an tének kw'ajilom in tomnal kin ko'oy jun i eyaltalab, abal ki tsejká in kawintal k'al an eyalchik k'al patal an kwenchal xi wa'ats.

Al in tsabchíl pejachil, axé xí uchbilab in abatnal, axé'xi eyaltalab abal ki ejtoj ki putu in uchbil k'al an tének bichowlom, in lej tomnal kin lubá' al in t'ojlabil, an k'anixtaláb ani al alwa'taláb, an biyal t'ajnel, an exobintaláb, an tenek kaw ani an tolmixtaláb, an beletnaxtaláb k'al an alwa'talab al an alté' ts'ulel, abal ki lubá' ani ki kaldha'ti bá an tenek bichowlom.





San Luis Potosí
GOBIERNO DE LA CAPITAL



An uchbilab tsé inik buk, ja'its al an púlik uchbiláb ti Bichow Tampots'ots' in abatnal, abal an t'ijax bichow, ju'tamits lej yan an tének bichowlom, in tomnal kin ko'oy, jun i ataj eyaltalab, abal kin batsú' ani kin ots'owiy, an yejenchixtalab, xi in t'ajal an atiklabchik, xí tal ti pílchik i kwenchal, má ju'tamits ti abatnal.

Ti laju bó' in kichajil, ti lajuchil a its, ajidh an tamub tsab xí jun inik, an Tribunal Electoral, ti Pulik Bichow Tampots'ots', in abá' jun i sentencia TESLP/JDC/2019, in wichbá' an kanixtalab, abal ka bijiyat an ok'ox eyal ajidh abal an tének kwenchalchik ti Bichow Tampots'ots', xi t'ajan ti jun inik ox in kichajil in lajuchil a it's al an tamub ju xí, laju belew; ani in abatnal an eyaltalab ti Bichow Tampots'ots'abal kin konowiy an tének kwenchalchik, jant'odha'tin tomnal ka bijiyat an ok'ox eyal ajidh k'al an tének kwenchálom, junkudh k'al an Consejo Estatal Electoral y de Participación Ciudadana.

Al in belew kichajil ti bo'chil a it's, ajidh an tamub, tsab xí, jun inik tsab, an Tribunal Electoral ti Tampots'ots' in ona' jun i abatnaxtaláb junil, al an nixé xí sentencia TESLP/JDC/2019, jutamits in ulál, abal an eyaltalab ti Bichow Tampots'ots', in abatnal, ki konowiy an tének kwenchalchik, abal ki júнку i kawintal jant'odhá'ka takuyat an ok'ox eyal.

In abahtnal jayej, an eyaltalab bá'an tének kwenchalchik, ki jumbiy an t'ojlab ani al exbah t'ajnel, abal ka takuyat ani ka bijiyat an ok'ox eyal tének.

Jaxtamits i tejuamedhal axé' xí kanixtalab abal ti yanel an tének kwenchalomchik, kw'ajilon ti Bichow Tampots'ots', abal ki jumbiy axé xi konowixtalab abal ki takuy ani ki bijiy' an ok'ox eyal tének. In tomnal ki lej k'akná'axé xi

DUCHLAB.

Ka'ál: JANT'OJ IN ALIYAI AN KONOWIXTALAB

ki konowiy an tének kwenchalchik, xí kw'ajilchik má ti biyalits, ti al an Bichow Tampts'ots', jant'odhá' in tomnal ka takuyat ani ka bijiyat, an ok'ox eyal, ba' an atáj eyaltaláb ti Bichow Tampots'ots',

ka eyendhá, nixé'xi takuxtaláb, abal aní, ka bijiyat an ok'ox eyal, ti ajidhtal an Tének kwenchalchik





San Luis Potosí
GOBIERNO DE LA CAPITAL



Tsabchíl: ALIMTALAB

k'ak'nadh an biyal tsalap ani an biyal t'ajnel, ki konowiy, jant'odhá'ti lej tomnal, ka takuyat an ok'ox eyal, ja'its ajidh abal kin beletná'an tének kwenchalchik.

Tam uludhits k'al in yanel a tének kwenchalchik, jant'odha ne'ets ka t'ajan an takuxtalab; tam ka t'ajan jun i pulik tamkuntalab, abal ka takuyat ani ka bijiyat an ok'ox eyal.

Oxchíl: JANT'ODHÁ' TI NE'ETS KA T'AJAN AN TAKUXTALAB

An atiklab xi bijidh k'al pilchik i kwenchal, abal ki baju'ti ok'ox eyal, ajidh al an atáj eyaltaláb ti Bichow Tampots'ots', awits ki tejumedhá' an yejenchixtalab, ani in u'wil, janthodha ti uludh, bá' an exbadh duché' ts'ejkadh k'al an junkudh t'ojnal, bijidh ti Grupo Técnico Operativo; al an jun inik tsabchil in kichajil an bukchíl a it's an tamub tsab xí' jun inik tsé'.

Yejenchixtalab abal an atiklab ki baju ti ok'ox eyal tének

- a) ki duchá ani ki ayindhá' in tének kawintal.
- b) ka tejuamedhá' k'al an tének kwenchalab, ani al tének bichowlom.
- c) Exbadh úw, dhuchadh jutamits in tejumedhal tin bá', abal pel jun i tének kwenchal (acta de Asamblea) milk'ud ani ts'omadh k'al an eyal xí in kwa'al an kwenchal.

- a) exbadh úw, dhuchad jutamits ulud, abal i exlom an atiklab, xí takuyal abal ka bijiyat ti ok'ox eyal (acta de Asamblea) milk'ud ani ts'omadh k'al an eyal xi in kwa'al an kwenchal.

- b) jun i duché, ju'táj an atiklab in onál, abal exlomtej, al nixé xí kwenchalab, milk'ud ani ts'omadh k'al an eyal xi in kwa'al an tének kwenchal.

Tsé'chíl: BIJIDH KICHAJ ANI JUTAMITS, NE'ETS KA T'AJAN AN KA'AL TAKUXTALAB

An ka'al takuxtaláb, xi ne'ets ki t'ajachik an pilchik tének kwenchal, xi kw'ajilchik ti Bichow Tampots'ots, ne'ets ka t'ajan k'al i tamkudhtalab, uludits ok'oxej k'al patal an tének kwenchálomchik.





San Luis Potosí

GOBIERNO DE LA CAPITAL

No.	COMUNIDAD / PUEBLO / GRUPO INDÍGENA	SEDE	FECHA	HORA
1	Comunidad Mazahua (Número de Registro 028/000/122/2010)	Centro de Desarrollo Comunitario Terremoto, Francisco Villa No. 75, Col. Terremoto, Tercera Grande.	12/09/2024	09:00 hrs
2	Comunidad Triqui (Número de Registro 028/000/118/2010)	Calle Lerdo de Tejada #300, Col. Centro.	12/09/2024	09:00 hrs.
3	Comunidad Mixteca Baja (Número de Registro 024/0001/386/2013)	Av. de las Torres #110 Fraccionamiento Barrio Vergel.	13/09/2024	11:00 hrs.
4	Pueblo Náhuatl	Cancha Pública 6 de junio, Col. Progreso.	12/09/2024	18:00 hrs.
5	Pueblo Tének	Calle Pinos #260, Fraccionamiento Las Villas de las Flores.	12/09/2024	14:00 hrs.
6	Pueblo Wixárika	Plaza Aranzazú, Col. Centro.	13/09/2024	15:00 hrs.
7	Pueblo Otomí	Calle Gabriel García Hernández, #128 Col. Wenceslao Victoria Soto.	13/09/2024	15:00 hrs.
8	Pueblo Otomí	Museo del Virreinato Villerías 115, Centro Histórico, S.L.P.	12/09/2024	16:00 hrs.
9	Pueblo Mazahua	Calle Mezcal No. 112 Col. Los Magueyes	13/09/2024	10:00 hrs





San Luis Potosí

GOBIERNO DE LA CAPITAL



No.	COMUNIDAD / PUEBLO / GRUPO INDÍGENA	SEDE	FECHA	HORA
10	Organización Frente Unión de Pueblos Originarios (Náhuatl, Tének, Otomí, Huachichil, Mazahua y Wixárika)	Museo del Ferrocarril "Jesús García Corona" Manuel José Othón O, Centro Histórico, S.L.P.	13/09/2024	15:00 hrs.
11	Organización Pueblos Originarios Unidos San Luis Potosí (Náhuatl, Tének, Xi'Oi, Huachichil, y Wixárika)	Plaza del Carmen, Col. Centro, S.L.P.	13/09/2024	10:00 hrs.
12	Organización Pueblos Originarios Unidos San Luis Potosí (Xi Oi, Huachichil y Tenek)	Escalerillas, en el Atrio de la iglesia.	13/09/2024	13:00 hrs.
13	Tének (Tampots'ots' t'iw)	Museo del Ferrocarril "Jesús García Corona" Manuel José Othón O, Centro Histórico, S.L.P.	13/09/2024	15:00 hrs

An tének atiklabchik, xi kw'ajil tejé'ti Bichow Tampots'ots', ani yabá'in kwa'al jun i kwenchal jutá ka utey, ne'ets ka t'ajan jun i tamkudhtalab, abal ki ejtoj kin oná'in tsalapil, abal axé xi konowixtaláb, al an tamkuntaláb xí ne'ets ka t'ajan bá'an pulik jlatalab, Socorro Blank; bá'an Unidad Administrativa Municipal, al in laju oxchíl a kichaj, an beleuchil a it's, axé xi tamub; tsab xí'juninik tsé', ti belwchil an dhajuw, ma ti laju tsab in ajidhtal an wakal.

a).- An dhuchaxtaláb k'al in bÍj, an atiklabchik xi bijiyath, abal ki baju ti ok'ox eyal, ne'ets ka awits ti lajutsé'chil a kichaj in ajumtal a belewchil a it's, axé'xi tamub tsab xí'jun inik tsé', jaits taná bá an Secretaria General, bá'a an pulik ataj eyaltalab, xi uxnal ti Unidad Administrativa Municipal, kw'ajat al an Boulevard Salvador Nava Martínez, in ajumtal 1580, kwenchal Santuario, C.P. 78380, bichow Tampots'ots', ajidh Pulik Bichow Tampots'ots', in ajumtal a kichaj ti waxik an dhajuw ma ti oxchil in ajumtal an wakal.





San Luis Potosí
GOBIERNO DE LA CAPITAL



b).- An atiklab, xí in putuchik tin yanel an dhuchad ú, ani an yejenchixtalab xi konchin, ne'ets ka kaniyat, al an Secretaria General, abal ki tejumedhá' tin bá', al an pulik tamkuntalab, jutamits ne'ets ka awits an takuxtalab k'al an ok'ox eyal, tin ajidhtal an Tének kwenchalchik ti bichow Tampots'ots'.

An pulik tamkuntalab abal ka t'ajan an takuxtalab ne'ets ka awits ti an lajutsé'chil a kichaj, ti belewchíl a it's, in ajumtal an tamub tsab xí'jun inik tsé', bijid óx in ajumtal an wakal.

Jant'odha' ti duchad, bá' an waxikchil uchbilab, al an pulik'dhuché' uchbilab, abal an tének konowixtalab, ti pulik ani an t'ijax Bichow Tampots'ots', ani an duchbilab tsejkad k'al an grupo técnico operativo, ti jun inik tsabchil a kichaj, tin bukchil a it's, in ajidhtal an tamub tsab xí', jun inik tsé'; an atiklabchik xi ne'ets kin jumbiy al an takuxtalab, in tomnal kin tejumedha'tin bá', abal tejé'tu kw'ajil.

Awits:

- 1.- Putudhits lajuwaxik' in tamúb
- 2.- Dhuchad in bij bá'an censo, abal in kwa'al in kwenchal ti bichow tampots'ots
- 3.- Ki tejumedhá' ti bá', k'al an úw xi in kwa'al in k'otbid wal, an úw, k'al in wá'tsintal, ani al úw abal ki ona' jutamits tu kw'ajil teje bá'an Bichow Tampots'ots'.

Bó'chil: AN DHAYAT BIJLABCHIK

An dhayat bijlab, xi konchin an tének bichowlom, ne'ets ka k'aniyat jant'odhá' in abatnal an Ley de Transparencia y Acceso a la Información Publica ti Púlik Bichow Tampots'ots'.

Akakchíl: LEJKANCHIXTALÁB MAX JANT'OJ YAB ULUDH

An lejkanchixtalab max jat'oj yan tejuamedhaj, bá' axé' xi kanixtalab, ne éts ki t'ajá'an junkudh t'ojnal xi bijiyat grupo técnico operativo.

Bukchíl: TSO'OBIXTALÁB

Jita'its in lé' ki tso'obná', axé'xi konowixtalab, ka utey al an Secretaria General, H. Ayuntamiento S.L.P.; kw'ajat bá' an Unidad Administrativa, ja'its ka elá', al an Boulevard Salvador Nava Martinez, ajidhtal 1580, kwenchal Santuario, C.P. 78380, Bichow Tampots'ots', an kichajchik lunes ma ti an viernes, awits tin ajumtal a kichaj, ti waxik an dhajuw má ti in oxchil an wakal, in kwa'al an pat'al binom káw 44 48 34 54, ext. 2900.





San Luis Potosí
GOBIERNO DE LA CAPITAL



PUNK' UXTALAB

Ka'ál: Axé xi exbadh duché', ne'ets ka awits tam ka tejuamedhajits al an Periódico oficial Pulik Bichow "Plan de San Luis"

Tsabchil: ka tejuamedhaj jayej bá'an Gaceta Municipal ajidh al an eyaltalab ti Bichow Tampots'ts, ani ma ju'tamits pilchik i dhuchad tejuamedhomtalab ajidh al pilchik i ataj eyaltalab; bijid jayej al jun i dhuchad buk'ud úw axí in bájuwal ti puwel an bichow tampots'ots'.

JA'ITS IN TS'ALAT KÁWINTAL

MTRO. ENRIQUE GALINDO CEBALLOS
PÚLIK EYAL TI BICHOW TAMPOTS'OTS'
AJIDH TI PÚLIK BICHOW TAMPOTS'OTS'

LIC. JORGE DANIEL HERNÁNDEZ DELGADILLO
PULIK DUCHUM BÁ' AN EYALTALÁB TI BICHOW TAMPOTSOTS
AJIDH TI PÚLIK BICHOW TAMPOTS'OTS'

